

Izveštaj o radu MUP-a Kantona Sarajevo za 2014.godinu

KRIMINALITET

Kriminalitet na području Kantona Sarajevo, posmatrano kroz statističke pokazatelje u 2014. u odnosu na 2013. godinu, karakteriše smanjenje broja registrovanih krivičnih djela za 4,3%, prijavljenih lica za 5,1%, maloljetnih izvršilaca krivičnih djela za 15,7% i povratnika u činjenju krivičnih djela za 6,1%.

Naime, registrovano je 6.208 krivičnih djela, što je za 282 djela ili 4,3% manje u odnosu 2013. godinu.

U 1.981-nom slučaju (31,9% od ukupnog broja djela), krivična djela su izvršena od strane poznatih izvršilaca, a 4.227 krivičnih djela (ili 68,1%), prijavljeno je po nepoznatom, od kojih su za 1.922 naknadno otkriveni izvršiocu (ili 45,5% od ukupnog broja prijavljenih djela po nepoznatom), što znači da su tokom 2014. godine, za ukupno 3.903 krivična djela identifikovani osumnjičeni izvršiocu ili 62,9% što je za 0,5% manje u odnosu na prethodnu godinu.

Osnovni statistički pokazatelji kriminaliteta u 2014./13. godini

GODINA	broj KD			broj djela za koja su naknadno identifikovani osumnjičeni izvršiocu		Broj prijavljenih lica			lišeno slobode
	ukupno	od toga		ukupno	iz ranijeg perioda	ukupno	od toga		
		po poznatom izvršiocu	po NN izvršiocu				maloljetnici	povratnici	
2014. godina	6.208	1.981	4.227	1.922	881	2.966	134	1.936	1.311
2013. godina	6.490	1.958	4.532	2.158	1.007	3.124	159	2.061	1.302
<i>uporedba</i>	-282	23	-305	-236	-126	-158	-25	-125	9

Za izvršenje navedenih djela prijavljeno je 2.966 lica, od kojih je 1.936 povratnika (ili 65,3% prijavljenih), 134 maloljetnika, a 1.311 lica lišeno je slobode (ili 44,2%).

U odnosu na 2013. godinu, manji je broj prijavljenih lica za 158 (ili 5,1%), maloljetnika za 25 (ili 15,7%), povratnika za 125 (ili 6,1%), dok je povećan broj lica lišenih slobode za devet (ili 0,7%).

Među prijavljenim licima, 15 je stranih državljana (11 manje) i osam lica sa područja RS-a (16 manje).

KRIVIČNA DJELA PROTIV ŽIVOTA I TIJELA

Tokom 2014. godine prijavljeno je 189 krivičnih djela protiv života i tijela (što je za 18 više u odnosu na 2013. godinu) od kojih je za 174 ili 92,1% poznat izvršilac. Zbog postojanja osnova sumnje da su ih počinili podneseni su službeni izvještaji protiv 206 lica, od kojih je 108 povratnika (ili 52,4%), a 66 je lišeno slobode.

Evidentirana su slijedeća krivična djela: ubistvo – sedam djela, ubistvo u pokušaju – 11 (jedno manje), teška tjelesna ozljeda – 106 (13 više), lahka tjelesna ozljeda – 57 djela (osam više) i učestvovanja u tuči – osam djela (šest djela manje).

Krivična djela **ubistvo iz člana 166. KZ FBiH-a (sedam djela)** izvršena su upotrebom vatrenog oružja i noža u po dva slučaja, te udarcima tupim predmetom, gušenjem i upotrebom fizičke snage po jednom.

Sva krivična djela ubistva su rasvijetljena, a zbog postojanja osnova sumnje da su ih počinili, lišeno je slobode i uz službene izvještaje predato nadležnom tužilaštvu 12 lica, od kojih je **šest povratnika ili 50%**.

Krivična djela **ubistvo u pokušaju iz člana 166. KZ FBiH-a, a u vezi člana 28. istog zakona** (11 djela) izvršena su upotrebom noža – sedam puta i upotrebom vatrenog oružja (pištolja) – četiri puta.

Zbog postojanja osnova sumnje da su počinili ova djela, lišeno je slobode i nadležnom tužilaštvu podneseni su službeni izvještaji protiv 12 lica, od kojih je **deset povratnika ili 83,3%**. Za sada su nerasvijetljena dva djela te policijski službenici Uprave policije nastavljaju sa operativnim mjerama i taktičkim radnjama u cilju identifikacije, pronalaska i procesuiranja izvršilaca ovih djela.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 174 djela (67 manje) i to: ugrožavanje sigurnosti – 169 djela, protupravno lišenje slobode i narušavanje nepovredivosti doma – po dva djela i neovlašteno optičko snimanje – jedno djelo. Zbog izvršenja navedenih djela prijavljena su 163 lica od kojih su **104 povratnika u činjenju krivičnih djela (ili 63,8%)**, a 40 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je 15 djela (šest više) i to: bludne radnje – sedam, silovanje – tri, spolni odnošaj sa nemoćnom osobom, spolni odnošaj s djetetom, prinuda na spolni odnošaj, navođenje na prostituciju i iskorištavanje djeteta ili maloljetnika radi pornografije - po jedno djelo.

Za izvršenje djela iz ove oblasti prijavljeno je 16 lica, od kojih je **sedam povratnika**, a 12 je lišeno slobode i uz službene izvještaje predato nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 295 krivičnih djela (50 više) i to: nasilje u porodici – 290 djela (47 više), zapuštanje ili zlostavljanje djeteta ili maloljetnika – dva i povreda porodičnih obaveza – jedno djelo. Službeni izvještaji podneseni su protiv 299 lica od kojih je **178 povratnika (ili 59,5%)**, a 190 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 333 lica od čega su **194 povratnici (ili 58,3%)**, zbog postojanja osnova sumnje da su počinili **332 krivična djela** (50 više) i to:

- neovlašćena proizvodnja i stavljanje u promet opojnih droga – **61-no djelo** (pet više),
- posjedovanje i omogućavanje uživanja opojnih droga – **267 djela** (41-no više),
- neovlašćena proizvodnja i stavljanje u promet opojnih droga u saučiniteljstvu - **jedno djelo** (nije bilo ovih djela u 2013. godini),
- prenošenje zaraznih bolesti – **jedno djelo** (nije bilo djela),
- nepružanje medicinske pomoći – **jedno djelo** (nije bilo djela) i
- nesavjesno liječenje – **jedno djelo** (nije bilo djela).

Zbog zloupotrebe opojnih droga 181 lice je lišeno slobode (46 više).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 74 lica zbog postojanja osnova sumnje da su u proteklom periodu neovlašteno proizvodili, zatim kupovali opojnu drogu („Amfetamin“, „Marihuanu“, „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 256 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

U ovom periodu podnesena su 134 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo (pet manje). Takođe s ciljem pronalaženja narkotičkih sredstava izvršen je pregled 140 lica (23 manje), 63 stambena objekta (osam manje) i većeg broja automobila po usmenim naredbama Opštinskog suda u Sarajevu.

VRSTA OPOJNE DROGE	2014.GODINA	2013. GODINA
Marihuana (u gramima)	9.746,3	18.237,35
Marihuana (paketići)	188	272
Marihuana (JOINT - cigarete)	18	13
Heroin (paketići)	19	205
Heroin (u gramima)	1.102,83	209
Amfetamin (paketići)	89	124
Amfetamin (u gramima)	13.836,767	284
Cannabis (stabljike)	---	15
Cannabis (sjemenke)	---	50
Kokain (paketići)	1	44
Hašiš (paketići)	2	2
Ecstasy (tablete)	44	---
Heptanon/Metadon (tablete)	580	---
Heptanon/Metadon (solucija)	1 bočica oko 2 ml	---
Suboxone (tablete)	1	---
Mofrij (solucija)	½ bočice	---
Fluotman	½ bočice - anestetik	---
Morapid (tablete)	37	---
Kapanol (tablete)	8	---
NN tablete	49	---
Pribor sa ostacima droge (komada)	73	93

Tokom 2014. godine pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, što je rezultiralo zaplijenom veće količine opojnih droga „Amfetamin-a“ – oko 13,8 kg, „Marihuane“ – 9,7 kg, „Heroina“ - 1,1 kg, itd., te identifikacijom i lišenjem slobode 74 lica (13 više u odnosu na uporedni period) iz člana 238. KZ FBiH-a – Neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv privrede, poslovanja i sigurnosti platnog prometa prijavljeno je 11 djela (devet više) i to obmana pri dobijanju kredita ili drugih pogodnosti – sedam djela, prijevara u privrednom poslovanju, zloupotreba ovlasti u privrednom poslovanju, krivotvorenje kreditnih i ostalih kartica bezgotovinskog plaćanja i izrada, nabavka, posjed, prodaja i davanje na upotrebu sredstava za krivotvorenje – po jedno djelo.

Za izvršenje ovih djela prijavljeno devet lica, od kojih je **osam povratnika** u činjenju krivičnih djela.

Pregled nastale materijalne štete izvršenjem krivičnih djela iz oblasti protiv „privrede“

SUBJEKTI	IZNOS U 2014. godina	IZNOS U 2013.godina
FIZIČKA LICA	205.100,00 KM	44.130,00 KM i 230 €
PRAVNI SUBJEKTI	43.285,45 KM	8.166,88
BANKE	----	400.000,00
UKUPNO	248.385,45 KM	452.296,88 KM i 230 €

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 73,3% ukupnog kriminaliteta. Naime, tokom 2014. godine registrovano je 4.551-no ovo djelo što je za 268 ili 5,6% manje u odnosu na 2013. godinu.

Najbrojnija djela iz ove oblasti su: teške krađe – 2.667 (279 manje), krađe – 736 (54 manje), razbojništva – 599 (70 više), oštećenje tuđe stvari – 200 (devet više), prijevара – 124 (27 više), teška krađa u pokušaju – 69 (12 manje), utaja – 52 (devet manje), prikrivanje – 28 (12 manje), itd.

Za ukupno 2.322 djela ili 51% identifikovani su osumnjičeni izvršiocі, što je za 1,2% manje.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i “provale” u ista) – 1.232 (78 manje), zatim stambeni objekti – 776 puta (190 manje), prodavnice i drugi poslovni prostori 482 (31 manje), na ulici 143 (15 više), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, kozmetika, željezni profili, ogrijevno drvo, itd.

U toku 2014. godine na području Kantona Sarajevo izvršeno je 825 krivičnih djela teških krađa motornih vozila, od čega su 222 ili 26,9% pronađena i vraćena (od strane policije MUP Kantona Sarajevo vraćeno je 75 vozila, MUP-a RS-a – 44, drugih MUP-ova – 25, uz novčanu nadoknadu – četiri i 74 vozila vlasnici su sami pronašli).

U odnosu na uporednu godinu broj otuđenih vozila, povećan je za 25 ili 3,1%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 47 lica (27 manje) od kojih je **39 povratnika (ili 83%)**.

Na području Kantona Sarajevo u 2014. godini registrovano je 599 krivičnih djela razbojništva (70 ili 13,2% više).

Razbojništva su počinjena u prodavnicama i drugim poslovnim prostorima - 278 puta (38 više), u sportskim kladionicama – 130 (53 više), na ulici – 144 (dva manje), itd.

Navedena djela izvršena su prijetnjom upotrebe vatrenog oružja – 297 puta (50 više), prijetnjom i upotrebom noža ili drugog oštrog predmeta (komad stakla, šrafciğer i sl.) – 164 (16 više) i upotrebom fizičke snage – 138 puta (četiri više).

Za ukupno 239 ovih djela ili 39,9%, identifikovan je osumnjičeni izvršilac što je za 14,2% manja rasvijetljenost u odnosu na 2013. godinu.

Broj teških krađa na naročito opasan ili naročito drzak način u 2014. godini u odnosu na prethodnu znatno je smanjen. Naime, evidentirana su 172 djela ove vrste što je za 54 ili 23,9% manje.

Ukupno je rasvijetljeno 120 ovih djela ili 69,8%, što je na nivou prethodne godine, a za izvršenje ovih oblika teških krađa, prijavljeno je 56 lica, od kojih je **46 povratnika (ili 82,1%)**, a 25 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 117 djela (21 manje) i to: izazivanje opće opasnosti – 101 djelo, nesavjesno čuvanje pasa i drugih opasnih životinja – 11, izazivanje opće opasnosti u pomaganju – tri, nepropisno i nepravilno izvođenje građevinskih radova i izazivanje opće opasnosti u podstrekavanju – po jedno djelo.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 80 lica, od kojih su **42 povratnika (ili 52,5%)**, a 47 je lišeno slobode.

Krivična djela izazivanja opće opasnosti (101 djelo) izvršena su na otvorenom prostoru – 95 puta, u garaži i štali – po dva, u stambenom objektu i prodavnici – po jednom. U 40 slučajeva otvorenim plamenom izazvan je požar, 16 puta aktivirana je nepoznata eksplozivna naprava, 44 puta je pucano iz vatrenog oružja i u jednom slučaju su nestručnim građevinskim radovima oštećeni plinski vodovi.

Posljedica izvršenja navedenih djela je ranjavanje sedam lica, dva psa te nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 319 krivičnih djela (36 manje) i to: nasilničko ponašanje - 114 djela, krivotvorenje isprave – 63, nedozvoljeno držanje oružja ili eksplozivnih materija – 53, napad na službenu osobu u vršenju poslova sigurnosti – 50, sprečavanje službene osobe u vršenju službene radnje – 12, ovjeravanje neistinitog sadržaja, skidanje ili povreda službenog pečata ili znaka i samovlašće – po šest, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 347 lica, od kojih su **223 povratnika (ili 64,3%)**, a 153 su lišena slobode.

KRIVIČNA DJELA POČINJENA OD STRANE MALOLJETNIH LICA

U periodu januar- decembar 2014. godine **prijavljena su 134 maloljetnika** zbog postojanja osnova sumnje da su **izvršili 222 krivična djela**. U poređenju sa 2013. godinom, **broj krivičnih djela** za čije izvršenje su prijavljena maloljetna lica **smanjen je za 30 ili 11,9%**, a **broj prijavljenih maloljetnih učinilaca** ovih djela **smanjen je za 25 ili 15,7%**.

Pregled broja maloljetnih izvršilaca krivičnih djela za period januar-decembar 2014. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	20	56	58	134

Među maloljetnim učinocima krivičnih djela, najveći broj je u dobi do 16 godina (76), dok je **povratnika u izvršenju krivičnih djela 45 (ili 33,6%)**.

Najbrojnija su krivična djela protiv imovine – 137 (ili 61,7%), pri čemu **prevladavaju teške krađe (47 ili 34,3%)**, teške krađe na naročito drzak i opasan način (27 ili 12,2%), razbojništva (20 ili 14,6%) i oštećenje tuđe stvari (17 ili 12,4%). U odnosu na 2013. godinu, u protekloj godini znatno je **smanjen** broj krivičnih djela razbojništva, teških krađa na naročito drzak i opasan način, teških krađa, krađa i dr., a **povećan** je samo broj krivičnih djela oštećenja tuđe stvari (za 10 ili 142,9%).

Kada su u pitanju krivična djela protiv života i tijela, maloljetnici su prijavljeni za izvršenje 23 krivična djela iz ove oblasti i to: ubistvo u pokušaju - dva djela,

nanošenje teške tjelesne ozljede - trinaest, nanošenje lahke tjelesne ozljede –sedam i učestvovanje u tuči-jedno djelo.

Pregled registrovanih krivičnih djela izvršenih od strane maloljetnih lica
za period januar- decembar 2014/2013. godine

Naziv krivičnog djela	jan.- decem. 2014.	jan.- decem. 2013.	+ - %
Ubistvo u pokušaju	2	2	0,0
Teška tjelesna ozljeda	13	15	-13,3
Teška tjelesna ozljeda -pomaganje	0	1	-100,0
Lahka tjelesna ozljeda	7	3	+133,3
Učestvovanje u tuči	1	2	-50,0
Ugrožavanje sigurnosti	4	6	-33,3
Silovanje	1	0	
Nasilje u porodici	11	4	+175,0
Neovlaš. proizvod. i stav. u promet opojnih droga	1	1	0,0
Posjedov. i omoguć. uživanja opoj. droga	19	13	+46,2
Krađa	12	16	-25,0
Teška krađa	47	73	-35,6
Teška krađa-pokušaj	6	7	-14,3
Teška krađa na naroč. opasan ili naročito drzak način	27	28	-3,6
Razbojnička krađa	0	1	-100,0
Razbojništvo	20	30	-33,3
Razbojništvo- pokušaj	4	5	-20,0
Razbojništvo-pomaganje	2	0	
Utaja	0	3	-100,0
Oštećenje tuđe stvari	17	7	+142,9
Iznuda	0	1	-100,0
Paljevina	2	0	
Izazivanje opće opasnosti	3	3	0,0
Izazivanje opće opasnosti-pomaganje	1	0	
Nesavjesno čuvanje pasa i dr. opasnih životinja	1	1	0,0
Učestvovanje u grupi ljudi koja učini krivično djelo	2	0	
Teška krivična djela protiv opće sigurnosti ljudi i imovine	0	1	-100,0
Teška krivična djela protiv sigurnosti javnog prometa	0	2	-100,0
Pomoć učinitelju poslije učinjenog krivičnog djela	0	1	-100,0
Sprečavanje sl. osobe u vršenju službene radnje	0	1	-100,0
Napad na sl. osobu u vršenju poslova sigurnosti	8	3	+166,7
Nasilničko ponašanje	6	13	-53,8
Nedozvoljeno držanje oružja i eksp. materija	2	3	-33,3
Povreda mira pokojnika	1	1	0,0
Krivtvođenje novca (čl 205 KZ BiH)	0	1	-100,0
ZONDINOM (čl. 52)	2	4	-50,0
ukupno	222	252	-11,9

AKTIVIRANJE MINSKO-EKSPLOZIVNIH SREDSTAVA

U toku 2014. godine na području Kantona Sarajevo registrovana su 23 slučaja aktiviranja minsko-eksplozivnih sredstava (šest slučajeva manje u odnosu na 2013. godinu) od kojih je 21 imao obilježja krivičnog djela izazivanja opće opasnosti. U šest ovakvih slučajeva izvršioци su identifikovani i protiv njih su preduzete odgovarajuće zakonske mjere.

Kada su u pitanju posljedice koje su nastupile aktiviranjem eksplozivnih naprava, u jednom slučaju je smrtno stradalo jedno lice (samoubistvo), u drugom su prilikom izvođenja radova na lokalnom putu, na području Trebevića, usljed aktiviranja nepoznate eksplozivne naprave, dva lica zadobila teške, a dva lahke tjelesne ozljede i u trećem slučaju je jedno lice zadobilo tešku tjelesnu ozljedu nakon što je aktiviralo ručnu bombu (protiv ovog lica su preduzete zakonske mjere). U ostalim slučajevima nastupila je materijalna šteta na poslovnim i stambenim objektima, te na putničkim vozilima.

Policijski službenici su rasvijetlili i dva slučaja aktiviranja eksplozivnih naprava iz mjeseca maja i oktobra 2013. godine, a protiv učinilaca su podneseni službeni izvještaji nadležnom tužilaštvu zbog osnova sumnje da su izvršili krivično djelo izazivanje opće opasnosti (čl. 323 KZ FBiH).

U protekloj godini registrovano je 10 anonimnih dojava o postavljenim eksplozivnim napravama (pet manje u odnosu na 2013. godinu), koje su se uglavnom odnosile na škole. Nakon KDZ pregleda utvrđeno je da su dojave bile lažne.

Policijski službenici su identifikovali lice koje je uputilo dojavu o eksplozivnoj napravi u zgradi Vlade Federacije BiH i protiv njega je nadležnom tužilaštvu podnesen službeni izvještaj zbog osnova sumnje da je počinio krivično djelo iz člana 183 KZ FBiH (ugrožavanje sigurnosti).

POŽARI

Tokom 2014. godine, na području Kantona Sarajevo registrovano je 166 požara (43 više) u kojima je jedno lice poginulo.

Zbog izazivanja požara nadležnom tužilaštvu je podneseno 48 službenih izvještaja.

Prema statističkim pokazateljima, 67 požara je izazvano namjerno, 26 zbog tehničkih nedostataka, 11 je prouzrokovano nehatom, dok uzroci 62 požara spadaju u kategoriju ostalih

SAMOUBISTVA

U toku 2014. godine na području Kantona Sarajevo registrovano je 29 samoubistava (12 manje), koja su počinjena: vješanjem – 11 puta, skakanjem sa visine – osam, upotrebom vatrenog oružja – četiri, presjecanjem vena – dva, bacanjem pod voz, aktiviranjem ručne bombe, samoklanjem i trovanjem – po jedno.

JAVNI RED I MIR

Policijski službenici su u periodu januar-decembar 2014. godine, zbog raznih oblika narušavanja javnog reda i mira uručili/ podnijeli ukupno **5.581 prekršajni nalog i zahtjev** za pokretanje prekršajnog postupka (naloga – 3.824, zahtjeva – 1.757), što u odnosu na isti period 2013. godine predstavlja **smanjenje za 185 ili 3,2%**. Prekršajne sankcije preduzete su **protiv 6.074 lica (261 ili 4,1% manje)**.

Od ukupnog broja prekršajnih sankcija, 5.239 ili 93,9% odnosi se na prekršaje utvrđene Zakonom o prekršajima protiv javnog reda i mira, a 342 ili 6,1% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 805 ili 14,4% prekršajnih sankcija, 52 ili 0,9% na maloljetna lica i 23 ili 0,4% na strane državljane.

S obzirom na starosnu strukturu lica protiv kojih su u protekloj godini preduzete prekršajne sankcije (ukupno 6.074), najveći broj je onih starosne dobi preko 36

godina (3.211), zatim starosti između 26 i 35 godina (1.637) i između 19 i 25 godina (1.148), dok je maloljetnih učinilaca prekršaja bilo 78 i oni su javni red i mir narušavali uglavnom tučama.

Prilikom narušavanja javnog reda i mira u periodu januar-decembar 2014. godine, u slučajevima kada se radilo o prekršajima, teže su povrijeđena četiri lica (u uporednom periodu dva), dok su lakše povrijeđena 394 lica (10 ili 2,6% više).

Prema strukturi prekršaja iz oblasti javnog reda i mira, najbrojnija su **prosjačenja - 2.869** (ili 51,4% od ukupnog broja), zatim **tuče - 714** (ili 12,8%), **naročito drsko ponašanje - 648** (ili 11,6%) i **odbijanje naređenja i omalovažavanje policijskih službenika - 394** (ili 7,1%). Znatno manje prekršaja učinjeno je svađom, vikom i nepristojnim ponašanjem-94; paljenjem petardi-15, uživanjem opojne droge na javnom mjestu – sedam, te neovlaštenom upotrebom oružja –dva.. Zbog svih ostalih prekršaja preduzeto je 496 prekršajnih sankcija. Preostala 342 prekršaja sankcionisana su u skladu sa odlukom općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira
za period januar-decembar 2014./ 2013.godina

STRUKTURA PREKRŠAJA	januar-decembar 2014.	januar-decembar 2013.	+ - %
UKUPNO NALOGA I ZAHTJEVA	5.581	5.766	-3,2
UKUPNO LICA	6.074	6.335	-4,1
Prekršaji iz Zakona o prekršajima protiv JRiM:	5.239	5.249	-0,2
<i>-Tuče</i>	714	886	-19,4
<i>-Naročito drsko ponašanje</i>	648	717	-9,6
<i>-Odbijanje naređenja i omalov. policijskih sl.</i>	394	460	-14,3
<i>-Svađa, vika, nepristojno ponašanje</i>	94	157	-40,1
<i>-Uživanje opojne droge na javnom mjestu</i>	7	7	0,0
<i>-Neovlaštena upotreba oružja</i>	2	7	-71,4
<i>-Paljenje petardi</i>	15	35	-57,1
<i>-Prosjačenje</i>	2.869	2.333	+23,0
<i>-Ostali prekršaji iz Zakona o prekrš. protiv JRiM</i>	496	647	-23,3
Prekršaji prema Odluci OV o JRiM	342	517	-33,8

U odnosu na 2013. godinu, povećan je samo broj prekršaja koji su učinjeni prosjačenjem, broj prekršaja uživanja opojne droge na javnom mjestu je ostao isti, dok je u svim ostalim slučajevima došlo do smanjenja broja prekršaja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima- 4.937 (ili 88,5%)**, a znatno manje u ugostiteljskim objektima- 192 (ili 3,4%), u školama- 32, vozilima javnog saobraćaja- 18, u trgovinskim i zanatskim radnjama- 30, na sportskim terenima- 16 i na ostalim mjestima- 356 prekršaja.

U odnosu na 2013. godinu, u protekloj godini neznatno je povećan broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, dok je na svim ostalim mjestima došlo do smanjenja tog broja.

Pored prekršajnih sankcija zbog prekršaja izvršenih u školama i školskim dvorištima, policijski službenici su u periodu januar-decembar 2014. godine zbog krivičnih djela izvršenih na ovom lokalitetu, nadležnom tužilaštvu podnijeli 22 službena izvještaja (12 manje u odnosu na 2013. godinu).

Policijski službenici su u toku 2014. godine učestvovali u osiguranju 2.254 javna skupa koji su održani na području Kantona Sarajevo (40 manje u odnosu na 2013. godinu), a u 406 slučajeva izvršeno je KDZ osiguranje ovih skupova (54 manje). Preduzimate su planske i organizovane aktivnosti kako bi svi skupovi, kao što su sportske, kulturne, vjerske i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Do narušavanja javnog reda i mira u većem obimu došlo je prilikom održavanja nogometne utakmice između FK „Sarajevo“ i FK „Željezničar“, dana, 26.3.2014. godine na stadionu „Asim Ferhatović Hase“, na taj način što su navijači koji su se nalazili na južnoj tribini stadiona počeli lomiti i bacati stolice i druge tvrde predmete u pravcu policijskih službenika koji su osiguravali ovu utakmicu. Policijski službenici su ograničenom intervencijom potisnuli navijače udaljavajući ih od stadiona i sprečavajući direktne sukobe između navijača oba tima. Međutim, nasilničko ponašanje grupe navijača nastavljeno je i ispred stadiona, kao i tokom njihovog udaljavanja ulicom Alipašina kada su počeli sa izvlačenjem kontejnera na saobraćajnicu, uništavanjem saobraćajnih znakova i napadima na policijske službenike.

Ovom prilikom povrijeđeno je 11 policijskih službenika, od kojih je jedan teško povrijeđen, dok je 10 zadobilo lakše tjelesne povrede, a oštećeno je i službeno vozilo MUP-a Kantona Sarajevo.

Izgredi su se dogodili i u mjesecu novembru 2014. godine prilikom održavanja fudbalske utakmice na stadionu „Grbavica“, kada su navijači FK „Sarajevo“ zapalili pirotehnička sredstva-baklje i bacali ih prema navijačima FK „Željezničar“ i policijskim službenicima. Tom prilikom su povrijeđena tri policijska službenika i osam navijača.

PROTESTI GRAĐANA

Policijski službenici MUP-a Kantona Sarajevo su u protekloj 2014. godini profesionalno, planski i u skladu sa Zakonom, poštujući sva prava građana, vršili osiguranje protestnih okupljanja građana. U većini slučajeva protesti su protekli bez ozbiljnijih incidenata. Međutim, protesti koji su otpočeli 07. februara 2014. godine, ispred zgrade Vlade Kantona Sarajevo u kojima je učestvovalo nekoliko hiljada građana, prerasli su u napade na policijske službenike i uništavanje objekata, putničkih motornih vozila i saobraćajne infrastrukture, te činjenje teških krađa u poslovne i trgovinske objekte. Usljed nasilničkog ponašanja grupa i pojedinaca povrijeđeno je 144 policijskih službenika, od kojih su 132 lakše, a 12 teže povrijeđena, a od ovog broja teže povrijeđenih njih 6 je zadržano na daljem liječenju. Tri službena motorna vozila su znatno oštećena, te velika količina opreme. Također, lakše je povrijeđeno i 138 demonstranata.

Oštećeno je i zapaljeno više objekata, zgrada općine Centar, Vlade Kantona Sarajevo, Predsjedništva BiH i Ministarstva vanjskih poslova. Zapaljeno je i više putničkih motornih vozila koja su bila parkirana u neposrednoj blizini. O svim događajima obaviješteno je Kantonalno tužilaštvo u Sarajevu i Tužilaštvo Bosne i Hercegovine čiji tužitelji su rukovodili uviđajima na mjestu događaja. Policijski službenici MUP-a KS su protiv 39 izgređenika – učesnika protesta, podnijeli službene izvještaje nadležnom tužilaštvu zbog osnova sumnje da su počinili sljedeća krivična djela:

učestvovanje u grupi ljudi koja učini krivično djelo (čl. 341 KZ FBiH), nasilničko ponašanje (čl. 362 KZ FBiH), napad na službenu osobu u vršenju poslova sigurnosti (čl. 359 KZ FBiH), sprečavanje službene osobe u vršenju službene radnje (čl. 358 KZ FBiH), oštećenje tuđe stvari (čl. 293 KZ FBiH) i teška krađa (čl. 287 KZ FBiH) .

Protesti su nastavljeni i u toku mjeseca februara i marta 2014. godine, ali tom prilikom nije bilo ozbiljnijih incidenata niti narušavanja javnog reda i mira u većem obimu. Demonstranti su svakodnevno mjesec dana u isto vrijeme blokirali najprometniju raskrnicu u centru grada i tako onemogućili normalno odvijanje saobraćaja. Početkom mjeseca marta ove godine, policijski službenici su u cilju nesmetanog odvijanja saobraćaja i normalizovanja stanja, bez upotrebe sile spriječili dalju blokadu saobraćajnica, tako da su protesti nastavljeni na trotoaru preko puta Predsjedništva BiH.

SAOBRAĆAJ

U toku 2014. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broja povrijeđenih lica, dok je **smanjen broj poginulih lica**.

Registrovane su 10.974 saobraćajne nezgode (438 ili 4,1 % više), 10.074 sa materijalnom štetom (404 ili 4,2 % više) i 900 sa nastradalim licima (34 ili 3,9 % više).

U saobraćajnim nezgodama na području Kantona Sarajevo 1.202 lica su nastradala (12 ili jedan % više). Devetnaest lica je poginulo (pet ili 20,8 % manje), dok su 1.183 lica povrijeđena (17 ili 1,4 % više), 180 teže i 1.003 lakše.

Među poginulim licima, 10 je pješaka, sedam vozača i dva putnika.

Od ukupno 1.183 povrijeđena lica, 556 je vozača (93 više), putnika – 403 (25 manje) i pješaka - 224 (51 manje). Kada je u pitanju stepen povreda, 54 vozača su teže, a 502 lakše povrijeđena. Četrdeset sedam putnika je teže, a 356 lakše povrijeđeno, dok je 79 pješaka teže i 145 lakše povrijeđeno.

U naselju su registrovane 10.443 saobraćajne nezgode (16 sa poginulim, 818 sa povrijeđenim licima i 9.609 sa materijalnom štetom), van naselja 531 nezgoda (dvije sa poginulim, 64 sa povrijeđenim licima i 465 sa materijalnom štetom).

Registrovano je 3.118 saobraćajnih nezgoda na raskrnicama u naselju, 161 na raskrnicama van naselja, 29 na pješačkom prelazu, 28 na nadvožnjaku, 13 na prelazu preko željezničke pruge, šest na mostu, dvije u tunelu, jedna na podvožnjaku i 7.616 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji sigurnosti saobraćaja na području Kantona Sarajevo u toku 2014/2013.godine

	2014	2013	+, -, %
UKUPNO SAOBRAĆAJNIH NEZGODA	10.974	10.536	+ 438 ili 4,1 %
Saobraćajne nezgode sa nastradalim licima	900	866	+ 34 ili 3,9 %
Saobraćajne nezgode sa materijalnom štetom	10.074	9.670	+ 404 ili 4,2 %
POGINULO LICA	19	24	- 5 ili 20,8 %
- vozači	7	7	isto
- putnici	2	2	isto
- pješaci	10	15	- 5 ili 33,3 %
POVRIJEĐENO LICA	1.183	1.166	+ 17 ili 1,4 %
- vozači	556	463	+ 93 ili 20,1 %

- putnici	403	428	- 25 ili 5,8 %
- pješaci	224	275	- 51 ili 18,5 %

Broj nastradalih lica u saobraćajnim nezgodama po kategoriji učesnika
u toku 2014/2013

	POGINULI			TEŠKO POVRIJEĐENI			LAKŠE POVRIJEĐENI		
	2014	2013	+ ,-, %	2014	2013	+ ,-, %	2014	2013	+ ,-, %
VOZAČI	7	7	isto	54	44	+10 ili 22,7 %	502	419	+ 83 ili 19,8 %
PUTNICI	2	2	isto	47	42	+ 5 ili 11,9 %	356	386	- 30 ili 7,8 %
PJEŠACI	10	15	- 5 ili 33,3%	79	79	isto	145	196	- 51 ili 26 %
UKUPNO	19	24	- 5 ili 20,8%	180	165	+ 15 ili 9,1 %	1.003	1.001	+ 2 ili 0,2 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 240 lica, od 25 do 30 godina – 210 lica, od 41 do 50 godina – 167 lica, od 51 do 65 godina – 157 lica, od 21 do 24 godine – 145 lica, od 18 do 20 godina – 79 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 9.127 (sedam lica poginulo i 704 povrijeđeno), neprilagođena brzina- 1.653 (11 lica poginulo i 410 lica povrijeđeno), uticaj alkohola – 191 (jedno lice poginulo i 66 lica povrijeđeno), odron na putu – dvije nezgode sa materijalnom štetom i uticaj opojnih droga – jedna saobraćajna nezgoda (tri lica povrijeđena).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 206.465 vozila (75.928 manje).

Zbog tehničke neispravnosti, iz saobraćaja su isključena 402 vozila (69 više), 3.294 vozača su zatečena da upravljaju vozilom pod dejstvom alkohola (1.847 manje), 8.844 bez korištenja sigurnosnog pojasa (4.330 manje), 2.617 bez položenog vozačkog ispita (707 manje), a 2.182 vozača su učestvovala u saobraćaju bez važeće registracije (573 manje).

Zbog kršenja propisa iz oblasti sigurnosti saobraćaja uručene su 152.525 prekršajnih naloga vozačima (28.413 manje), podnesena 903 zahtjeva za pokretanje prekršajnog postupka (237 više) i registrovana 64 krivična djela zbog ugrožavanja sigurnosti javnog prometa (13 manje).

MIRUJUĆI SAOBRAĆAJ I KONTROLA PJEŠAKA

Tokom 2014. godine, pripadnici Uprave policije su uručili 54.909 prekršajnih naloga vozačima koji nisu poštivali saobraćajne propise prilikom parkiranja (8.343 manje u odnosu na 2013. godinu), upozorili 5.540 vozača (1.030 manje), a specijalnim vozilom „pauk“ su premjestili 2.483 vozila (550 manje). Zahtjeva za pokretanje prekršajnog postupka nije bilo.

Takođe, upozoreno je 1.555 pješaka (33 više) i uručena 1.434 prekršajna naloga (86 više). Zahtjeva za pokretanje prekršajnog postupka nije bilo.

ZAKONITOST U RADU

Tokom 2014. godine, registrovano je **50 napada na službenu osobu** u vršenju poslova sigurnosti (18 više). U napadima su učestvovala 94 lica, među kojima je šest maloljetnika. Tom prilikom je povrijeđeno 155 policijskih službenika, od čega 13 teže i 142 lakše.

Službenici policije su tokom izvještajnog perioda 51 put opravdano upotrijebili silu (15 manje).

U toku 2014. godine, registrovana je 341 predstavka, među kojima je za 83 predstave (20 manje) data saglasnost za sprovođenje unutrašnjih istraga, za 248 je donesen zaključak da su neosnovane, u tri slučaja predstave su pripojene već otvorenoj istrazi, u tri slučaja dostavljene Sektoru krim policije, u dva slučaja stranka je odustala od žalbe, u jednom slučaju nastupila je zastara vođenja postupka, dok je u jednom slučaju zaključeno da akt spada u nadležnost drugih organa.

Postupano je po 17 predstavki iz ranijeg perioda, tako da je razmatrano ukupno 100 predstavki (15 manje).

Okončano je 67 predstavki, među kojima je 26 osnovanih, u 22 slučaja nije bilo dovoljno dokaza, u 11 slučajeva predstave su neosnovane, u tri slučaja oslobađajuće, u tri slučaja postupak je obustavljen, dok je u dva slučaja stranka odustala od žalbe.

STRATEGIJA BORBE PROTIV KORUPCIJE

Uprava policije je tokom 2014. godine, nastavila sa implementacijom Strategije borbe protiv korupcije u Upravi policije Ministarstva unutrašnjih poslova Kantona Sarajevo.

U izvještajnom periodu registrovano je šest žalbi koje su se odnosile na postojanje osnova sumnje da je počinjeno krivično djelo navedeno u Strategiji borbe protiv korupcije.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U 2014. godini evidentirano je 87 krivičnih djela koja su regulisana Zakonom o nabavljanju, držanju i nošenju oružja i municije (21 manje), počinjena od strane 89 lica, od kojih je 28 lišeno slobode.

Od strane Policijskih uprava fizičkim licima izdato je 881-no odobrenje za nabavku vatrenog oružja (127 više), 1.206 oružnih listova (115 više) i izvršeno 135 zamjena oružnih listova za fizička lica (136 manje).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 70 pištolja, 340 pušaka, 189 komada „noževa, mačeva, sablji, bajoneta i sl.“, 18 ručnih bombi, deset boksera, 2.794 kom. municije različitog kalibra, 4.044 komada petardi, itd.

Takođe, organizacione jedinice ovog Ministarstva, u saradnji sa štabovima Civilne zaštite, EUFOR-om, i Oružanim snagama BiH, aktivno su učestvovala u realizaciji akcije „ŽETVA 2014“ s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 107 komada.,
- dimne bombe – četiri kom.,
- mine, trombloni, granate i sl – 46 kom.,
- pištolji – deset kom.,
- puške – šest kom.,
- pakovanje eksploziva – jedan kom.,
- municija raznog kalibra – 1.583 komada., itd.

RAD POLICIJE U ZAJEDNICI

U okviru Rada policije u zajednici u periodu januar- decembar 2014. godine realizovane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

POSLOVI ADMINISTRACIJE

U okviru utvrđene organizacije Uprave, poslovi iz nadležnosti organizacionih jedinica vrše se u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo i utvrđenih radnih mjesta koja obavljaju državni službenici i namještenici. U mjesecu junu došlo je do reorganizacije radnih mjesta, poslova i zadataka u skladu sa novim Pravilnikom o unutrašnjoj organizaciji i sistematizaciji radnih mjesta MUP-a Kantona Sarajevo.

Odjeljenje putnih isprava

U izvještajnom periodu ukupno je izdato 44437 pasoša.
(17% manje u odnosu na period januar – decembar 2013. godine kada je izdato 53686 pasoša)

Odjeljenja za administraciju

Dokumenti (obrađeni zahtjevi za izdavanje dokumenata)

Lične karte 118577

(54 % više u odnosu na period januar-decembar 2013. godine – 76945 LK)

Vozačke dozvole 61319

(106,3% više u odnosu na period januar-decembar 2013. godine – 31041VD)

Registracija vozila

U toku 2014.godine obrađeno je 199745 zahtjeva za registraciju vozila,
(dok je u 2013.godini obrađeno 212695 zahtjeva)

Sarajevo, 26.01.2015.godine

**Odjeljenje za odnose sa javnošću
MUP-a Kantona Sarajevo**

